

匪圓匪方陰陽包藏外瑩玉潔內韞金光混沌
既判能啄能翔賦稟五德司晨最良

芋

質如白玉形似蹲鴟穢金薤堪並味勝露葵任煨
茅火足可療饑味全純美膏梁奚爲

五言古 四首

禾

深秋步南畝扶杖過西疇嘉穀呈秀色有年農

奚憂眺望如雲靄垂金羨更稠千頃欣繁密數
村喜有收賽神奠鷄豕老少醉村甌

餌黃精



裹糧陟青城逶迤穿石徑山花臨水湄碧澗泉
聲啞荷笠佇峰前側耳聞中聽扶筇谷口行旋
入清處境野叟樹邊迎掃石還相訂玄談論養
生黃精可長命采食一何佳服此神自勝煉修
應有則火候莫教橫清馥浮松杪忘饑腸胃幸

從教霜鬢易藉爾悅吾性白日誦黃庭三尸佩
符令跨鶴游蓬瀛飄然羽翼勁

乞食

因饑陟曲徑去去安所之索食療饑餒有酒亦
弗辭歡顏主人語謂我不易來開樽北牖下盡
與酒百杯委心同大化爲君歌古詩文非陋科
第明主棄不才一飯感大德何言無所貽

煮茶聲

扁舟陽羨歸摘得雨前肥漫汲惠山水松枝火
用微香從几上繞烟向樹頭依却訝松濤激還
疑綠綺揮蜂鳴聽彷彿澗水響依稀

七言古

一首

掃雪烹茶

昨夜狂風起林麓朝來積雪渾如玉柴門蕭索
冷無踪高卧何人閉茅屋野夫病渴心未寧西
隣覓火炊砂碯分得青茶自陽羨爲烹雪水心

彌清胸中礪礪盡驅逐主人此時意頗足潺潺
泉響蟹眼生旗鎗騰沸茶初熟誰言陸羽著茶
經玉川先生嗜好督七碗聊爲散俗氣却教肢
體無拘束

五言律

十三首

餌松二首

素志慕仙踪遙尋海上峰蒼烟兩袖拂紫嶠片
雲封子晉山前晤安期谷口逢玄情無所贈授

我學養松

不暮食霞術何須羨赤松凌風攀翠葉帶露摘
芳茸火棗應難覓交梨不易逢徂徠從此入堪
與僿佻供

稼浪二首

東郊扶短策恍涉碧溪頭望去如萍泛看來似
浪流水能盈岬畔魚不繞根遊狂瀾長夏捲秋
盡翠濤收

不經滄海變却怪浪生疇信是清波湧還疑綠
藻浮蒼烟千頃碧黃雀幾群遊風激濤聲細西
成報有秋

麥

日融舒秀色風細落輕花碧浪看來遠黃雲望
去賒呈祥九穗茂薦瑞兩岐嘉野雉堪藏跡驚
飛翅欲斜

麥浪

隴畝薰風拂涼生四月秋何因翻巨浪宜爾滿
平疇易得藏山雉難教泛野鷗漁郎空悵望無
復放扁舟

白羊眼豈二首

翠葉盈虛架冰花繞竹笆休嗤羊躑躅青眼向
人斜藥譜稱消暑山厨煮更奢僧烹香積饌婦
煮供賓茶

籬豈垂垂熟透籬藤蔓遮香甘宜野味潔白有

詩物言
卷之三
三
佳花田父炊爲飯山家煮作茶不妨羊眼異藥
品競相誇

雪酒

雪釀開樽冽清還勝醴泉持螯思吏部留珮郎
神仙時滿牀頭甕何須杖上錢嵇康猶喜醉乘
興味長篇

雲酒

碧如雲影靄味勝惠山泉把盞留在客傾壺醉

謫仙不須沽野店何用費金錢且罄牀頭甕狂
歌秋水篇

蒲酒二首

此日屆端陽菖蒲九節良宣城沽宿酒曲水借
流觴久飲能長筭時餐可絕糧仙人留秘旨逸
客未須忘

曾聞千歲種瑤草有菖陽細葉迎風翠靈根浥
露香益心能佐藥和酒漫浮觴酌彼延年物何

醉入醉鄉

豆腐

海內傳應久由來製甚奇磨時疑噴瀑點罷若
凝脂白雪潔堪並清泉浸更宜山僧無異味惟
爾日和隨

七言律

四首

茶

月團三百未須誇細品茶經陽羨嘉春暖武夷

萌古榦雨晴顧渚長新芽樽筐度嶺蘿衣冷捫
葛穿雲蠟屐賒漫汲惠泉砂鼎煮蟹睛魚目泡
生花

茶烟

慢逐涼颺度絳帷又從爐篆裊低眉暮籠繡枕
象牙榻曉颺風簷蛛網絲松鶴好教飛遁樹午
窓正及夢回時試烹深得盧公法品味應傳瀉
漸知

雪酒

一鎗寒碧月中烹味勝瓊漿分外清花塢霞杯
應獨酌草堂銀甕釀新成紅醅潑潑瑤華色白
雪紛紛郢曲聲借問何人能解飲漫傾五斗滌
凡情

鹽

漫將海水煮成晶須信澁池舊有名飛雪賦詩
應獨詫駕車策驥欲長鳴威公羅法千家食禹

貢傳書萬姓營何事皇家嚴爾禁可因鼎鼐欲
調羹

五言絕

四首

菽豈

石崇一餐粥子建七步詩堪作淮南腐蕪菜亭
濟饑

菰

白根長郊澤綠葉發華枝勝彼蹲鴟味堪充田

野饑

蔬

刈却孔明菜聊作子瞻羹膏粱無此味濺齒勝
侯鯖

蛋

渾同一太極混沌未經分內有陰陽象雌雄那

可聞

七言絕

五十三首

酒品二十首

王元美宦遊四海得嘗諸品名醞味紀
醇釀甘冽芬馥之味成味二十絕余
雖隱居荒墟不能跡遍但賞其酒品
高下故倚韻和之復錄元美短序于
首

內法酒

出大官者常四叨燕賜及諸大璫所釀

亦近之雖似清美或甘或冽多未得
平飲之令人熱極好渴不堪醉也

何處黃封賜御筵可堪春色醉花前瓦盆自得
田家樂高枕簑衣帶月眠

桑落酒

出關中名最古也白鮮旨殊甚味宛轉
舌端不窮以甘故不可飲多

滿甕如銀散異香試嘗一斗醉周郎衰顏自勝

桃花臉誰爲親詞醒酒湯

襄陵酒

出平陽襄陵縣色黃白香醲而所致者
多過甘不堪酌獨友人齋兩甌味極
殊絕累白不厭以無甘味故也

甘美瓊漿壓蔗稍杯浮琥珀味應饒野人獨愛
襄陵醞漫向樽前乞幾瓢

羊羔酒

出山西汾州孝義諸白色瑩徹如冰清
美饒風味遠出襄陵之上小挾羶氣
耳

爲愛羊羔屢典衣何如錦帳獨嫌羝當時只有
胡兒佞曾把酥花譖貴妃

蒲州酒

清冽芬旨與羊羔並而不羶遠出桑落
襄陵之上特以遠故不易得

聞道蒲州造桂漿斟來滿甕鬱金香却慚桑落
蓮花白五斗堪供遊右郎

太原酒

頗清醇而不堪醜難醉易醉余常取其
初熟者以汾州羊羔劑半嘗之瀉水
晶杯不復辨色清美爲天下冠一時
諸公嘖嘖轟飲至醉

不須頻勸太原甌村舍紅醅醉勸酬可是田家

無所樂踈狂偏得傲公侯

潞州鮮紅酒

盖燒酒也入口味稍美易進而作劇吻

咽間如刺或云卽葡萄酒遺法也

世間酒品更誰高賸有珍珠滴小糟色味絕勝

猩首血毋煩漢使進葡萄

薊州薏苡仁酒

周氏第一成氏次之近得三屯營帥司

所造當更勝絕盖清冽秀美有出色
香味之表者

薏釀盛來滿玉壺已知香味世應無何人更問
金莖露一滴全勝合浦珠

秋露白酒

出山東藩司甘而醜色白惟熱余絕不
喜之臬司因有改造終不能佳也惟
德府王親薛生者收蓮花露釀之清

芬特甚第不可多得

生平獨怪酒樽空秋露爲漿琥珀紅爲問主人
能好客可容終日吸荷筒

章丘酒

去濟南不百里清味雋永自是名勝而
人乃傳秋露何也謝少溪侍郎者佳
味如甘露氣融融人世香醪迥不同聞道謝家
傳秘法竹林偏有晉人風

金盤露

出處州佳在南品之上亦以不甘爲難
耳

玉露泠泠降碧霄金盤盛貯出檀槽應知詞客
多佳興幾共吳姬醉美醪

金華酒

色如金味甘而性純食之令人懋懋卽
佳者十杯後舌底津流旂旆不可耐

余尤惡之

美酒如金解散愁幾回欲載碧山遊竹林當日
追歡笑酪酏恢諧隘九州

高郵五茄皮酒

五茄皮草藥能去風濕高郵人採以釀
酒因名有絕佳者然不可多得大抵
亦病甘

酒氣疑空似碧烟山人貪飲只圖眠優游出入

醉鄉裏沉湎春風不計年

淮安酒

有一種差佳曰苦蒿味近苦而冽世人
往往重甘良可笑也

夜來看月倚闌干不覺天風襲袂寒忽憶淮安
新釀好已知香冽似飴甘

成都辣麻酒

其法連糟置甕中中插一蘆管使客透

吸之淺則加水至酒盡滿甕皆水也
味不能佳然往往令客至醉蓋眩于
新奇耳

玉缸傾出絳桃紅猶勝當年飲碧筒爲問竹林
嵇阮輩曾將此味醉山公

麻姑酒

出建章味多甘以穠郁爲主尤在金華

下

麻姑釀法最堪憐未熟先流口角涎色比珊瑚
看更媚味醇還勝惠山泉

池州酒

色深而味甘且醜土人極重貴之余絕
不喜飲

何人偏愛色如油仙掌休誇玉露流總使酒家
眠十日莫教典却鷓鴣裘

蕩口酒

言物言
卷之三
五
范氏華氏以鵝肫湯水釀絕如篋竹色
而清旨爽冽酌之涼風生齒咽間美
而不醒南酒第一也余常過其地醉
者兩日
醞醱新芻儼綠波騷人偏貯掌中螺花前日日
還須飲爲問生平能幾何

顧氏三白酒

出吳中大約用蕩口法小變之蓋取米

白水白麴白也其味清而冽視蕩口
稍有力亦佳酒也

人生須信酒如泉瀉出瓊漿自可憐幾度花開
邀客飲滿拚沉醉枕花眠

靠壁清白酒

出自家鄉以草藥釀成者斗米得三十
甌甌置壁前一月後出之味極鮮冽
甘美

十月霜飛歲欲闌釀成銀甕最堪博玉人不必
千金咲要與田家共耐寒

茹草十二首

余素喜郊墟村野丁亥歲徙居白苧鄉
得隨農父牧豎往來晤對知有葵藿
之顛數十種製而可供晚酌遂成茹

草數絕

春到柴桑處士家園中紫蕨長新芽客來不必

供雞黍葵藿烹烹來味亦嘉

雨過春畦嫩葉芳山厨烹出野葵香朱門賸有
駝峰美何似山家菜味長

花滿東郊水滿河春田處處長菁莪盤飧莫謂
無兼味糲飯藜羹野味多

柴門寂寂草萊豐啼鳥嚶嚶午夢中瓦缶試炊
菰米飯汲泉和露煮青菘

牀頭宿釀試新開石鼎炊烟煮嫩薑坐對花枝

渾欲醉溪橋忽有故人來

小舟傍晚艤斜陽白苧歌聞溪外長漫採菱窠

和月煮松烟猶帶水花香

滿瓢新酒對菰蒲丘壑幽然一事無盡醉風前

成獨咲任教人世喚狂夫

曾聞犢角可防饑更喜山中紫藿肥莫道幽棲

無底事頽簷披卷映斜暉

茅齋蕭瑟響寒蛩石徑逶迤碧蘚封芟笋自堪

供晚酌虛窓斜月掛孤松

性癖烟霞卧草廬閑情日日混樵漁囊空不貸

監河粟猶喜荒園半畝蔬

放棹澄波漫採蓴尊前一箸菜羹新他時不識

王公鼎百味何如此味真

聞道食英可辟饑何須遠壑覓青芝東籬喜綻

黃金蕊更有南畦雨後葵

笋

遊土渾如黃犢角穿籬恍似紫簫形山僧喜作
禪家供味勝芳進玉饌腥

芹

泮水採來人共愛脆鬆恍似碧玻璃野人有意
何須獻叔夜曾題交絕書

茹菜

一番風雨過東畦新綠朝來遍野蔬和露摘歸
烹土釜從教飽飫勝江魚

蕨

春來連夜翻盆雨巖岫蒙茸蕨更長自是伯夷
知此味首陽高遁不餐梁

蔬

綠葵白薤堪爲饌紫菜青蔬可作羹露葉霜芽
味甘美須知貧士足聊生

蘿蔔

根如白玉葉如蒼培植春畦長嫩莖爽勝雪梨

甘勝藕山厨炊爨薦樽罌

餐鱸

楓葉飄來滿釣磯鱸魚江上味甘肥當時張翰
思歸去始信人間見亦稀

烹蓴

舟繫江干問採蓴砂鐺烹和勝佳珍惟知熊掌
兼鱗脯誰識吳淞菜味真

蓴線

生來若線綠絲長肯與嫦娥綉裳牽動季鷹
歸思急秋風何奈繫詩腸

茄

花放紛紛疑紫蝶實垂纍纍狀如桃豪家烹取
嘗新味那惜園丁灌溉勞

酒三首

手裏提壺認未真可能從此辨甘辛只教舉世
昏昏醉問道誰爲獨醒人

甕頭玉露釀新秋持爾來登翫月樓杯酒情親
念兄弟何須重問曲江遊
爭誇旨酒味應殊仙掌秋風玉露濡一飲却宜
春色媚蒼生從此望來蘇

酸酒

醇醪何是變爲醯入口俄驚感兩眉寄語厨人
休宴客只堪調鼎薦芳時

蛇酒

酒泉郡裏未封侯今日誰將痼疾瘳不是昔年
弓影悞葡萄新釀爾知否

索酒二首

野叟耽杯樂此生牀頭酒罄若爲情君家倘有
玉弘意何必營求作步兵

樽中連日乏松醪不向溪頭覓紫螿欲典鷓鴣
還自惜也知索酒興偏高

醋

由來若酒擅奇名不是紅糟琥珀明調鼎易牙
功獨勝沉香亭畔好和羹

粉團

雪粉調和玉作團碧泉謾煮供水盤生平素喜
嘗湯餅膩滑香甘足可飡

餅

細磨香秬和碧泉擗形如鏡軟如綿相看潔白
渾疑雪玉指分嘗入几筵

香茶餅

漫將龍腦配沉檀研作香塵和麝蘭金盞容勻
銀杵搗生津消渴勝還丹

螺冠子詠物詩卷之二十一 終

鰥冠子詠物詩卷之二十二

嘉禾周履靖逸之甫著

金陵朱之蕃元介甫選

東海屠隆緯真甫校

飛禽部

四言古 十一首

歸鳥四首次陶韻

間關歸鳥曉遷喬林翮凌碧漢旋遶高岑回翔

下止動予中心饑啄稻梁夜棲松陰
間關歸鳥奮翼高飛暮投林樹枝葉相依音聲
乃和聯翅而歸同棲共止情適不遺
間關歸鳥迭枝徘徊天衢倦奮擇幹幽棲於止
得所流音和諧載好其音助我詩懷
間關歸鳥羨彼長條倦遊芳樹求息花標其思
悠悠其音交交欲避網羅搏風何高

鵲

喧鬧巢梨成群穿屋鼓翅嚶媚王祥炙異楊寶
環竒入水化蛤爲客啣書隨風翔野混鶯相追

子規

別名杜宇形肖慈烏天津駭聞東川惜無穿巢
育子啼血滿株叫斷三更驚回夢夫不如歸去
望帝魂軀晝逐燕雀夜宿枌榆數聲烟漠悲思
生吁

鵲

羽族至微稟形則殊金睛利爪絳尾青顛不棲
林木弗巢山隅出入難定往來須臾何懼弓矢
遇隼無虞不堪供饌人胡計需兄兮弟兮在原
思渠

鷦鷯

體微自揣不逐燕鶯朝餐數粒暮宿棘荆毛無
器用肉難作羨逢矢不懼遇鷹不驚甘陋靜守
處卑得寧一枝之安於時以鳴

五言古

七首

雪中舞鶴

彤雲蔽四野郊甸人蹤絕忽聞唳數聲一鶴舞
於雪兩翼翻碧空不畏西風冽雪飄似鶴翎鶴
競雪之潔眺望皓無瑕露頂紅如血飛去復飛
來昂藏旋九折俄驚日返照霄漢若崩裂羽族
衆無窮惟愛汝形子借汝爲蓮舟渡海求真訣

鷗

雙睛如閃電兩翅似垂雲堪追鷹隼列燕雀不
同群矯矯騰青漢翩翩下碧瀆畏攝稱揚志射
雙昔有聞

鷺二首

沙汀日窺魚竚立修素頸玉羽點滄洲碧流渚
皓影不共海鷗閑欲向丹霄騁飄飄頂垂絲臨
風望清景

爲愛水中魚靜向沙邊立拳足望清流浴破滄

浪碧

鴿

線眼人堪重花毛世不輕錦從脰上綴粉向羽
中生結陣高簷繞成群遠漢橫盤桓識主宿搖
曳寄書征身能美日影尾慣掉鈴聲白晝近人
啄黃昏傍屋鳴朝飛雙翮健暮返一軀輕

八歌

能言勝鸚鵡宿樹混慈烏朱眼還同鴿鉄衣與

衆殊林中飛頃刻牛背立須臾一座堪傾笑網
羅何足虞不堪配俎豆那用宰清厨

鷄

昂頭能報午鼓翅爲司晨喈喈啼北舍喔喔叫
西隣奮威臨敵勇相呼懷至仁五德人相羨三
時報更真秦關鳴似客宋牼語如人祖述聞聲
舞孳孳爲善因入饌成嘉饌清厨配八珍

七言古一首

雉

世喜飛來表太平婦美雌雄相並征朱冠繡頸
人矜美飲啄飛鳴別衆形華蟲上古咸稱號漢
人相喚野鷄鳴錦身那及筠林鳳聲亞難同柳
陌鶯暮向柔桑林下宿曉飛秀麥隴頭鳴大夫
舉射妻方咲稚子不擒仁政成鼓翼郊墟不愁
餒恐逢俠客網羅營

五言律二十二首

鵬

自昔聞鯤化却逢鷗咲癡振翰九萬里八極遊
片時奮迅雲程遠扶搖風翮遲垂天翼任展群
鳥不能追

孔雀

彩毛堪製扇異狀可圖屏羽翠疑玄玉禽文飾
綠翎錦衣如鳳翮繡脰肖鸞形孔家禽語巧好
與達人聽

孤鶴橫江

客裏逢寒夜蘭橈烟渚停浦江雲水白夾岬荻
蘆青檣外橫清影窓前度玉翎數聲寒嘎嘎歛
枕夢中聽

調鶴二首

松下影蕭蕭山人愛寒寥興逸迓風坐情閑引
鶴調方池堪剝啄短袖可招搖聊作林泉玩終
能奮碧霄

詩物記 卷之三
徐步入幽徑閑將野鶴調袖翻和影舞琴奏協
音飄暫息烹茶火長持握栗瓢明朝冲漢遠須
憶草堂招

吊鶴

仙客堪憐逝庭空動客愁竟飛千里月音絕九
臯秋滄海書難寄青田跡尚留相逢王子晉緱
嶺共遨遊

悼鶴

仙翼歸何處疑眸望幾回清聲猶在耳鍛羽尚
留苔松徑憐誰守樊籠爲爾開愁將仙骨瘞清
句動人哀

孤鴈

秋宵來萬里碧漢奮雙翎度隴衝雲霧啣蘆過
蓼汀澄波流片影明月照孤形嘹唳數聲處妻
其不忍聽

爲

千里高搏遠飛鳴亦戾天不同凡鳥類豈與衆
禽聯展翼得高舉冲霄誰敢先奮身風外舞撼
蒼學摩騫

鷹

金眸多猛氣玉爪配雄姿慣截鳩鸞翅能餐鳥
雀脂雲開呼漸近雪裏放還遲高搏霜月曉得
兔爲忘饑

鳥

后弄當年射燕丹昔日嘆性慈能返哺會宿孝
兒冠結陣遙天外成群古木端紛飛紅日下群
噪碧江干

鸚鵡

珠鳥仍堪羨猶憐產異方丹榴朱嘴妬翠羽綠
荷妨戢翮聊棲止窺霄欲奮翔能言難脫繫晨
夕傍雕梁

鷓鴣二首

狎水磯頭倦臨風沙上眠
夢隨孤鷺遠影息片帆
前蘆渚依清迹溪塘混
白蓮漁歌何處發驚
醒蓼花邊

沙平春晝暖浴罷傍溪眠
翮息滄江上菟迷綠藻
邊牙檣驚未起莎草自
爲壇穩睡忘機久風
波任爾顛

鳩

休晒爲巢拙奮翎共鵲爭
花紋脛上細檀粉頰

邊輕預報雲中雨猶來
屋角鳴在桑嚶白晝刻
杖伴人行

鷓鴣

脛爽難並鳳形碧混山
鷄綠樹林中宿黃陵竹
裏啼聞聲征袂濕揚曲
黛眉低呼晴能喚雨相
逐過村西

百舌

報春流巧語食榘詎能鳴
奇音學百鳥雅韻勝

孤鶯叫徹五更月驚回幾種情
閒關憐宛轉鸚鵡欲停聲

啄木

利嘴能啄木捷翎迅投林
蠹豐充餒腹樹密慰貪心
錦襜同艷翠鐵喙勝兼金
反立喬枝險傍鑽古榦深

燕

社燕情還舊茅簷不厭低
掠溪翻綠藻補壘綴

青泥簾外呢喃語梁間宛轉樓
引雛穿上苑歸去路應迷

睡燕

晴日啣泥倦時來隱竹扉
忽成莊子夢不向漢宮飛
柳畔鶯同集花間蝶共依
捲簾驚醒處惟見主人歸

候燕

梁燕歸何處鈎簾待爾來
謾疑雙掠水更憶共

言物言
卷之三
啣梅佇立雕欄外閑行曲徑隈俄看窓上影喜
見月中回

鴨

泛溪逐鷺伴啄食混鷄群頭暎浮萍綠足翻細
浪分畏舟潛蓼岬觸藻亂波紋能作人言語傾
囊爲謝君

五言排律

三首

鴛鴦

肖形織錦媚化瓦夢占竒曲渚成雙宿回塘比
翼飛紅毛秀彩麗翠鬣綺文齊艷冶勝鸕鶿爛
爽似錦鷄萬頃烟波裏往來應不迷

白鷗

脩尾如拖練柔冠似雪迷孤標松鶴並逸志海
鷗齊玳竒耀白壁皎潔暎澄溪光華同膩粉耿
介合天倪霜翎旋月渚玉羽宿花溪時遭稚子
戲却被竹籠稽

我

眼綠並丹鳳啄黃勝錦鷄毛潔白鵬比聲高玄
鶴齊素翎棲老圃丹掌撥清溪眠沙共鷗鷺泛
渚混鳧鷖堪供江淹餽能令逸少題頸長情故
喜書罷帶籠携

七言律

十首

白燕四首

玉樹歌來惜國非黃花開處見還稀不教神女

珠邊過且照秦王鏡裏歸氣耿明河旋舞態風
飄殘雪灑毛衣海翁莫謂忘機鳥春色多情處
處飛

秋風一別幾時歸奮翅猶疑帶雪輝不向蘆花
洲畔宿偏來楊柳絮中飛翩翩月下迷清影故
故簾前舞素衣江上忽驚雙玉剪恍疑鷗鷺集
漁磯

昭陽輕羽雪爲衣飛入梨花總不知恍惚擲欵

終自誤慙慙投夢莫相疑春風趙殿還爭如夜
月張樓似有期紙帳梅花堪倚並肯容茅屋暫
樓遲

梁園雪滿見應稀月下遙看玉翅微玄鳥何因
翻白鳥縞衣原是舊鳥衣偶來回棟流清韻時
傍朱簾映素輝羨爾樓遲忘貴賤社前仍向主
人飛

鴛鴦

漫向晴沙弄夕暉釣船相逐彩鴛歸輝輝異色
憐朱喙燁燁輕翰似繡衣却被晴烟迷蓼渚忽
追汀鷺到苔磯採蓮少婦爭堪羨喜爾雙雙日
共飛

白鴈

奮翮衝風帶雪飛却來與鷺共爭輝蘆花洲畔
形難辯溪水波心影易非欲啄稻梁潛畎畝且
隨鷗鳥宿沙磯江南地暖不堪別嘹唳長空何

日歸

歸鴈

江南十月稻梁肥
憐爾冲霄帶月飛
不向秦關輸短葦
却來吳地宿平磯
數聲嘹唳悲邊戍
一陣回翔感禁圍
孤客堪嗟背鄉國
鴈歸何事未言歸

鵲

曉來爭向簷端噪
拍翅傳聲鬧未休
似爲征人

傳遠信却教思婦解
新愁踏枝聊借山邊樹
巢夜還同雨內鳩
曾駕危橋凌碧漢
肯容牛女漫淹留

飛鳴宿食鶴

頂冠硃砂雪作衣
沙邊群聚總忘機
高摩遠漢翻雲影
孤映空林澹月輝
靜止喬松清夢杳
潛窺曲澗巨鱗肥
一從華表歸來後
始識仙人丁令威

杜鵑

一枝借宿吳山樹與逐流鶯谷外飛三月繞林
春欲暮五更啼夢淚沾衣蕭條別院看明月惆
悵東風怨落暉無限韶光無限思聲聲猶恨不
如歸

七言排律

一首

錦雞

鷓鴣復喚錦雞名身披綵服戴金纓臨流喜覩

儀容麗窺鑑爭誇顏色明剪却絳綃粧翅媚繡
成黃錦綴毛輕不逐山禽翔綠野肯隨仙鳥度
青城王孫莫漫施矰繳貫日徐看五色精

五言絕

二十首

鶴

月明千嶂曉聲徹九臯虛養就冲霄翮好寄茅
君書

松鶴

不向華亭喚喬枝可暫棲橫飛松露濕冲漢月
光低

飛鶴

奮翮冲霄漢翩翩雲影重鵬鳶何敢近鵬翅喜
相從

鳴鶴

時雜客長嘯恒隨鐵笛吹數聲嘹唳處幽韻九
臯知

宿鶴

青山堪寄跡松影覆仙姿月下看來異俄驚雪
壓枝

食鶴

啄粒殘青蘚窺魚立碧池休教壇上舞踏破紫
靈芝

縱鶴

本自青田種如何來供玩學舞破莓苔長鳴徹

霄漢

鶴

類鶴無朱頂高搏迥莫同結管臨殿角晴日磨
長空

鶻

奮翮摩空遠翱翔島嶼悠振翎如拂劍擒雉下
林丘

鷓鴣

已知雄勁負難雜鳳鸞群綴冠堪弁首猛氣壯
三軍

鴛鴦

碧草迷春色誰將比翼看鴛鴦忘偶匹獨立對
晴瀾

沙上鷺

皎潔沙上禽翩翩諧好音雖伴鳧鷖宿時懷
漢心

浴浪鳥

掠水隨波浪翻翎沙渚西翫魚穿綠藻逐鷺過
前溪

曉鶯

驚殘春夢迷遷轉碧桃棲起來臨檻聽又向綠
楊啼

回眉

憐爾雕籠鎖猶思棲古枝早知羅網密却恨美

聲奇

花鴨

花鴨眠沙渚風輕傍釣舟不妨鷗鷺狎終日任
沉浮

暮鳥

江上孤舟遠風帆何處歸遙瞻天際鳥猶傍白
雲飛

鷓鴣

詩物言 卷之三
天賦羽毛微不隨鴻鵠飛獨憐貧賤士百結是
鶉衣

燕

一自辭巢去春風幾度歸時懷故人意戀戀繞

簾飛

燕巢

智奪天工巧量如滄海泄不疑人捕獲營葺傍

簾櫳

燕泥

飛飛江上掠營壘汚頽梁只愁夜半雨濁水濺
衣裳

七言絕

三十首

鳳

羽毛珍異衆難同不逐凡禽宿翠叢時向崑峰
奮雙翮九苞七德世稱雄

雛鳳

鳳雛猶自混鷄群爭識翩翩五色文
禮樂煥然昭代盛岐山鳴後幾人聞

鸞

毛生五彩頸披金不息脩篁不宿林
自是鳳凰爲侶伴和鳴渾似撫瑤琴

病孔雀

幾聽鶴鳴難起舞徒看鸞奮不舒翎
癯然肌骨蕭騷羽渾似形骸在画屏

病鶴

放鶴開籠向石臺垂頭斂翅立蒼苔
吾何時得遇浮丘伯採栗藍田月下回

鶴夢二首

翩翩仙馭宿松壇夢入緱山去路漫
露滴枝頭驚未醒一庭明月夜光寒

踟躕兩翼奮青霄嘹唳悠悠不可招
倦息松梢成短夢忽驚馬驟兩思飄搖

鴈

飛破天邊雲幾重
蘆汀一宿伴芙蓉
應知此夜南飛去
不向瀟湘隔楚峰

春鴈

漫逐春風漢外翔
不辭燕楚路迢長
江南雖美應難久
那肯分飛背故鄉

白鴈二首

曉集沙汀疑白鷺
夜棲蘆渚欲迷踪
數聲叫落

秋江月飛過雲山幾萬重

沙上雪晴難辨迹
月明飛去却忘形
稻梁八月江南美
長夜哀鳴過蓼汀

雪中鴈

凜冽朔風飄遍野
續緜密雪掩沙灘
數聲嘹唳江天
暝那惜孤飛毛羽寒

繡鴛鴦

雙雙交頸宿澄湖
描向雲箋總不如
最是瑣窓

情寂寞一針一縷費工夫

翡翠

翠翎丹嘴綠紋交昔年曾向玉樓巢靜立沙邊
映碧水避人飛向綠楊條

鷓鴣

翼似彩鸞形似鳳時隨鷓鴣立漁磯寄言鷹隼
休思獲留與鴛鴦作伴飛

鳩鵲

紅毛翠鬣鳥中奇晴日飛飛戲碧漪映淺臨高
逐鷓鴣暖沙爲毯宿芳池

白練

暫棲柳榦疑垂帛飛入花枝似雪搏最是月中
難辯色朦朧誤作海鷗看

鷺

窺魚時向蘆汀畔絲頂聯拳披雪衣潔白清閑
誰可並眠沙立水任相依

白頭翁

入柳穿花恣爾遊
交飛上苑啄丹丘
任教來往無拘束
爲問何因也白頭

白鸚鵡

調語幽閨春夢驚
硃砂爲嘴雪爲翎
爲隨大士棲蘭若
學念楞伽幾句經

画眉二首

身繫雕籠咲巧音
間關猶自動人心
嬌娥聽徹

情無限
懶画蛾眉
淚滿襟

聲巧終朝鎖画梁
何時雲際獨翱翔
不如郊外鶯和燕
飛去飛來繞綠楊

鶯梭

絲絲柳線擲金梭
絕勝銀河織女多
無奈弄機聲更巧
頻驚午夢却如何

戴勝

飛鳴終日繞桑枝
密雨微風四月時
野鳥似憐

詩物言
蠶婦苦聲聲哀怨最堪悲

布穀

芳草蒙茸遍野榮
飛揚布穀迭空鳴
溪南溪北
冥濛雨宛轉聲聲勸早耕

白鵲

清秋無事倚危樓
忽見霜翎刺兩眸
三匝顏簷
飛不去
朦朧錯認是沙鷗

十二紅

莫道枝頭十二紅
幾番宛轉叫東風
爭飛並語
桃花底
惹却
春愁滿苑中

鳧

三三兩兩泛澄溪
爭浴群飛不染泥
沙上波心
任來去
爽翎翠脰總堪題

鷄

誰將文繡作翎毛
變體渾疑繫錦條
莫向窓前
勤報曉
五更殘夢思無聊

鷄雛

剖開混沌露微形
辭殼揚聲身有翎
趁暖喜行
茅屋午啣啣隨母啄空庭

騾冠子詠物詩卷之二十三

嘉禾周履靖逸之甫著

金陵朱之蕃元介甫選

東海屠隆緯真甫校

走獸部

四言古 十首

麒麟

王者之瑞獸生日麒麟
四靈之首天不妄施牛尾

馬足麕身稱奇獨角豈肉丈二有奇賦稟體異
色黃五蹄含仁抱義舉步循規折旋循矩動靜
有期黃鍾之音聲揚熙熙遊必擇土處不履崎
不折生草不共群居路不旅行亦不妄馳弗蹈
陷穿羅網莫羈麒麟牝牡麟壯乃別雄雌故爲獸長
聖人作辭見於郊數在春秋時九真國貢五時
獲之

獅

聲輕非虎形性如麟牙露霜亦金毳花茵毛發
紅焰眼懸雙星可搏白象伏狸頰身聞韶起舞
圓育能馴欽漢上德服堯至仁

犀

狀如水牯首若猪形三蹄二角黑疑墨成巨腹
痺足瑛頂洪聲辟寒惡影通天夜明揮梳佩帶
蠲忿祛塵鎮惟駭鷄異貌驚人

虎

山君之號群獸不同鋸牙鈎爪其勢乃雄生獍
猛烈稟性威洪咆哮灼蔚獸畏風從高崖發嘯
絕壑生風吼則巖震勢勝毒龍炳文豹變鼓勇
甚隆奮迅巖際猛據山中南山白額東海黃公
負嵎據地難施矢弓聲驚石破獵較難逢

豹

南山隱霧義之管窺齒堅勝玉鋼斧難施皮美
如錦一裘可爲作枕辟邪食缺性奇爛斑炳蔚

文鞞毛披殊麤鼠爪異犬羊皮君子之變太公

謀司

熊羆

緣於高樹與獸異常公侯之兆男子之祥力健
誰敵威雄奚當貔貅難伍虎豹難抗板木洪力
咆林威揚化爲將軍身披黑裳困於群犬雖猛
失防

駱駝

生長西域出自泉渠肉鞍錦帕群獸形殊飛龍
豹文價勝金珠涌明垂耳獨峰善驅識泉負重
出塞奔趨凌雲踏雪千里須臾渡沙顯功能助
猛夫人間難育畜貢皇都

鹿

呦呦濯濯麋麋牲牲千年色蒼額間七星毛斑
如錦角脩若荆渴飲澗水饑食野萍啣花遠洞
噉草深林玄猿逐隊白鶴爲群綠苔飽卧峻嶺

閑行隍中蕉覆成焉傷情

馬

九逸八駿騏驥驎駟產於大宛西極來由千金
市骨一顧價稠龍鬃鳳臆逐電如流康莊昔試
欲之難求

兔

昌黎成傳毛穎姓名林藏月魄草隱星精東郭
留跡廣寒栖身莫嫌聳耳寧惜缺唇搗藥千年

三窟遁形跳梁甚捷踰伏稱能李斯與嘆田父
得擒守株而待晒彼拙人

五言古 二首

疲馬

騏驥行千里掃虜奔塵埃偶爾筋力疲悲嘶日
徘徊不惜道路遠但愁混駑駘春回寒草綠猶
憶朔風哀

犬

蜀關吠雪異西旅貢獒竒黃耳疑龍狀狼牙肖
虎皮寂憐逐獸捷堪美附書馳巷迥歸應晚村
遙聲更差迓賓時悼尾守禦莫如斯

五言律 十二首

象

貢從交趾長林邑獻王家欲餐方役鼻削木代
藏牙奔驅助威武致遠勝牛車怒目不施拜焚
身世所嗟

病馬

千金買駿駟幾向月中奔塞上衝前隊營中守
外垣深秋度沙磧長夜傍轅門報主傷疲乏妻
其不可言

石馬

鑿石肖成騏那堪金勒羈但能丘隴立難向塞
邊馳四蹄青草沒一背綠苔披突兀人應跨終
年不復嘶

驢

賈島衝京兆青蓮遊華陰西園曾棹纒灞畔獨
豪吟負磨應誰惜尋梅任客心不愁崎路險惟
畏雪途深

磨驢

驅磨笑辭重旋回去路除恍如運地軸恰似轉
天車有夢衝殘雪無時踐落花寒驢何太寒辛
苦度年華

牛

南陌當風喘西疇帶雨犁會驚狂客認一任牧
童騎白石歌偏逸桃林放不遲月中化處士引
犢飲於池

石牛二首

誰將頑石琢形惟角猶竒不教放綠野何可飲
清池曾經丙吉問那與老聘騎盡日山巔卧西
疇難負犁

草中蹲枯狀歲久不知年難代農夫力休教牧
子牽萬毛綠蘚綴兩角紫藤纏弗向前村去偏
依荒徑眠

羊

短角如新筍柔毛似雪明難乾身上雨易悅草
頭英左慈遁入隊化石美初平古來稱善牧持
節有蘇鄉

猿

秦嶺幾長嘯巴山一孤吟連肱頻掛月命侶跳
長林獻環情獨異物筆意何深驚回旅客憂惱
亂故鄉心

狐

白晝潛深穴黃昏繞舍行千年能變化九尾任
縱橫假虎威方猛爲裘暖自生聽冰曾不異作
與使人驚

貓

奮身渾似虎爪捷利於鈞愛暖依衾袂乘涼卧
竹樓啣蟬臨檻跳捕鼠遶梁遊認人呼更應索
食任優游

五言絕 四首

調鹿

雙鹿卧花臺相親爾莫猜何時脫野性終日共
徘徊

桃花馬

神駿從天賦，胭脂塗更勻。紛紛紅雨落，誰染六街塵。

豕

長喙將軍號，猶聞剛鬣名。不知誰割肉，終日任爲羹。

豹皮

點點金錢文，燦燦五花聚。試從管中窺，正作九里霧。

七言絕 十八首

獅

毛骨由來獨擅奇，金光燁燁總相宜。能教百獸俱馴伏，豺虎於今亦遠馳。

雪獅

昨夜瓊瑤遍路岐，曉來稚子戲搏獅。但能眼底追歡賞，無奈晴曦值午時。

獾

頭角崢嶸勢更雄誰言海內現神龍只今貢賦
多方物蠻貊曾將異獸供

麋

深山峻嶺任啣芝日逐猿猴混鹿麋豐草長林
無限樂如何却被世人羈

金絲犬

遍身金色肖獅形掉尾狺狺不暫停喜逐狸奴
明月下柴門迎客吠空庭

玳瑁猫

毛披五色黑兼黃白日依人卧洞房戲蝶也穿
花樹底肯容鼯鼠肆猖狂

白猫

夜傍雕闌堆白雪晝親粉壁已忘形閒行月下
全無影兩點金睛似曜星

鼠

善能竊食有神機最怪恒傷篋內衣白晝避人

曾不見却於昏夜逞雄威

十離詩

唐薛濤曾為連帥所喜因事獲怒而遣之
作十離詩以獻覽詩憐之遂後合馬余
喜其題雅句玄故倚韻賡之

馬離厩

血汗錢紋碧玉蹄追風逐電度江西為因失足
驚公子無復籠鞍厩下嘶

犬離家

守戶相看已有年
狺狺搖尾使人憐
為因驚却堂前客
無復塔除向日眠

鷹離拳

兩爪如鈎目似鈴
秋風搏兔暢歡情
於今奮翼雲霄上
無復王孫手內擎

鸚鵡離籠

紅嘴能言愛爾身
翠衿披拂羽毛新
為因多口

傳消息無復相依舊主人

燕離巢

倚傍雕梁詎忍拋穿花掠水舞還嬌近來污却
佳人袖無復東風補舊巢

魚離池

蓄爾方池經幾秋時潛荇底避綸鈎如何跳躍
傷蕖葉無復清流次第遊

筆離手

爭道毛生結世情魚箋題處勝遺瓊近來鋒秃

松烟盡不復江淹五色生

珠離掌

九曲明珠一線通玉人携爾照瓊宮近來綴在
花鈿上無復含輝在掌中

鏡離臺

繡閣朝來寶鏡開佳人相對共徘徊只因失掩
塵埃積不復相看白玉臺

竹離叢

猗猗綠玉喜成行爲愛貞堅耐雪霜只緣穿破
堦前石無復清陰翳草堂

螺冠子詠物詩卷之二十三

終

螺冠子詠物詩卷之二十四

嘉禾周履靖逸之甫著

金陵朱之蕃元介甫選

東海屠隆緯真甫校

鱗介部

四言古一首

龍

在天在淵時飛時潛噓氣成雲失水蹇淹魚劍

變化杖梭亦然五花樹食千金方傳啣燭普照
負舟濟川逆鱗喉下明珠領懸非池之物袖中
可蟠拏雲出洞駕霧升天飛騰遠漢遁跡深泉
浪激禹門見形於田

五言古 四首

蟹

郭索誠介士無腸公子稱輪芒完海稅敗漆逞
才能嗜爾任補外持螯配酒樽趙倫性所惡韓

混善圖形青殼紅膏美舒螯怒目憎沙灘與淺
瀕任爾肆橫行一遇菊梅綻堪嗟烹鼎羨

蝦蟇

日跳蓮花下時潛秧水田只堪棲井底何敢近
堂前鼓吹喧塵耳繁聲攪客眠草澤驚長夜書
窓鬧雨天不因劉海戲曾載活人篇

蠶

春深方浴種桑柘足平原性惡連宵雨惟欣天

氣温一月房中息三眠山上奔身雖藏爾內鍋
煮不能存抽絲堪補衮應得惠黎元

蚯蚓

嗟哉形質微首尾何能辯雖云賦稟拙立意不
扁淺高遁一無爲胡由令人見寄居污壤中無
求衆所美念爾不營謀所志世應鮮

五言律

三首

鰲

浮海吾何異駕山君不難休驚天柱折須把地
維看縮頸頻曳尾烹餉足登盤堪美任公子洪
濤下釣竿

蛇

志大欲吞象神靈可化龍深山藏爾跡大澤作
行宮蛇皮能療疾画足費添工昔聞高帝怒猶
怪叔敖逢

鰕助

伴鯢浮海面觸浪颺晴暉
渾如紫錦浣恍似彩霞飛
質脆同尊美味珍勝鮓肥
山厨供野饌薦酒莫相違

七言律一首

鮓魚

江南五月熟梅天自是漁翁數
進鮮漫把金鈎拋大水且將冰塊置
輕船銀鱗箭骨人堪愛玉箸金盤客可憐
莫道鱸魚多美味八珍勝饌讓

君先

五言絕三首

朱魚

珊瑚沉水底潑潑躍清流
鱗混桃花片漁郎下釣鈎

河豚

形肥渾似豕色赭豹皮爽味勝鱸
魚繪應調五鼎間

蟹

酥片盈螯白金穰滿腹紅鱸羨與龍鮓風味信
難同

六言絕一首

魚

貪餌浮遊藻底畏人潛伏沙中不時烹供清饌
有日變化蒼龍

七言絕

卧龍

卧龍未遇風雲日蟠向深潭只自知爭美他年
騰碧漢人間猶有躍龍池

蛟

非是蒼龍非是蛇深山巨壑任爲家相看異日
風雲際頭角崢嶸勢可誇

黃魚

味勝鱸膾色如金那許漁郎下釣尋不是海翁

施巧伎何由佳味入山林

赤鯉

閃閃金鱗燦日光
雙睛煥耀吐珠芒
春江雨過添新水
翻得桃花浪裏香

黑鯉

七星弁首色猶玄
不逐鯤鯨跳巨川
靜夜波間遯象緯
却離罟網隱深淵

白魚

銀梭織水紋成縠
玉尺拋殘綠藻絲
撥刺碧漪翻白壁
禹門變化有誰知

鯖魚

誰育池塘跳碧波
時翻綠荇食青螺
豪家欲作冰厨饌
每使漁人設網羅

鱧魚

生長芳園半畝池
天成縮白兩般奇
雖無鱸膾尊羹美
亦稱山厨薦酒卮

銀魚

天賦奇形白似銀無腸性軟喜無鱗清厨調鼎
成嘉饌客醉華筵勝八珍

鰕

雖若龍形豈似龍欲稱鱗豈惜身洪堪隨然介
調環饌宴賞還應假爾供

鰻

身無鱗甲狀如蛇一任優游碧水涯惟爾幻形

從物化托身終是混魚鰻

鱸

腹色如金形似蚓西疇黃壤漫樓遲農家春雨
犁鋤日恣取烹調代晚炊

鰕

共居水族各成形憐爾身微却少鱗自是田家
一風味亦堪薦酒勝江蓴

鰕

黑身百足長三寸紅嘴雙牙利似刀惟與窓禽
有仇恨相逢彼此不相饒

蝸

一窩深遁可長年何必空塔漫吐涎亦欲昇高
渾不解竟成枯槁壁間粘

螺冠子詠物詩卷之二十四終